
Ponuda

POTREBA ZA INFORMACIONIM SISTEMOM

Mi u timu 4 smatramo da je ključ naprednog poslovanja biti upoznat sa najnovijim tehnologijama. Stoga Vam nudimo savremeni informacioni sistem koji će povećati Vašu poslovnu efektivnost, smanjiti troškove održavanja i omogućiti Vam jasniji i precizniji uvid u stanje vaše firme.

Nezamislivo je da se u današnje vrijeme kompanije, čije usluge ili proizvodi imaju veliki uticaj na lokalnu zajednicu ili šire, oslanjaju na zastarjele i nepouz dane metode praćenja informacija. Ove metode oduzimaju mnogo vremena, kako prilikom prikupljanja, tako i prilikom skladištenja potrebnih informacija, podložne su velikom broju grešaka i mogu dovesti do problema čak i u najorganizovanijim okruženjima. Novi informacioni sistemi u digitalnom obliku su pouzdaniji, sigurniji i posjeduju veliki broj automatizovanih procesa koji ubrzavaju samu proceduru, u Vašem slučaju, popisa robe i artikala.

Naš sistem omogućit će vam brz i jednostavan unos artikala, bilo da unos vršite ručno ili pomoću bar-code skenera. Imat ćete mogućnost vršenja parcijalnog popisa robe, kao i potpuno automatizovane funkcionalnosti sabiranja popisanih artikala iz željenog vremenskog raspona, poređenja sa knjigovodstvenim stanjem i generisanja dokumenata viška/manjka. Sve ove funkcionalnosti popraćene su razumljivim i intuitivnim interfejsom, prilagođenog korisnicima za maksimalnu efikasnost pri radu.

ZAŠTO MI?

Naš tim sastavljen je od visoko kvalifikovanih stručnjaka, dobro upoznatih sa manama korištenja informacionog sistema u pisanoj formi kakvav Vaša firma trenutno posjeduje. Problemi i poteškoće sa kojima se suočavate mogu lako i jednostavno biti uklonjene uz našu pomoć i Vaše povjerenje. Veliki broj članova našeg tima ima višegodišnje iskustvo u razvoju i održavanju modernih informacionih sistema, dok je dio njih specijaliziran za firme koje se bave pružanjem trgovačkih usluga.

Sudjelovali smo u razvoju informacionih sistema za brojne svjetski poznate firme kao što su Jambee, NVerse, Indoo Supermarket Chain i mnoge druge. Svi našli klijenti bili su oduševljeni praktičnošću sistema i poboljšanjima u načinu poslovanja koje je novi sistem donio sa sobom.

Tokom posljednjih deset godina osvojili smo brojna priznanja i nagrade, kako na evropskom tako i na svjetskom nivou. Srušili smo mnoge vlastite i tuđe rekorde te postavili nove standarde razvoja kvalitetnog informacionog sistema. Trofej na koji smo najponosniji je prošlogodišnji Crystal Code Award. Ova nagrada dokaz je kvalitete našeg proizvoda, stručnosti i predanosti naših zaposlenika kao i pokazatelj da možemo uspješno da se nosimo sa izazovima iz čitavog svijeta.

Naš tim nudi vam jednostavan, kvalitetan i pouzdan proizvod sa mogućnošću izmjena i proširenja, odnosno dodavanja novih funkcionalnosti ili uklanjanja postojećih tokom samog razvojnog procesa. Također Vam nudimo i posebne opcionalne usluge kao što su praćenje i održavanje sistema, pružanja podrške korisnicima 24/7, čuvanje sigurnosnih kopija na našim zaštićenim serverima kao i mnoge druge pogodnosti.

Naš sistem Vam nudi sljedeće segmente inventure:

Osnovne funkcije:

- ✓ praćenje stanja robe u skladištu Unos:
- ✓ unos robe bar-code skenerom
- ✓ unos robe ručno
- ✓ unos nove robe (koja do tada nije dolazila u skladište)

Kategorizacija:

- ✓ razvrstavanje robe po kategorijama
- ✓ pritanje ulaznih/izlaznih dokumenata po kategorijama artikala ili pojedinačno
- ✓ printanje dokumenata viška po kategorijama
- ✓ printanje dokumenata manjka po kategorijama
- ✓ praćenje stanja robe u skladištu

Automatizacija:

- ✓ automatsko pravljenje dokumenata viška
- ✓ automatsko pravljenje dokumenata manjka
- ✓ automatsko računanje ponderisane cijene

Printanje dokumenata:

- ✓ pravljenje dokumenta o oštećenoj robi
- ✓ printanje ulaznih/izlaznih
- ✓ printanje dokumenata na određeni datum

Zaštita:

- ✓ verifikacija radnika

Korištenjem softverskog rješenja koje Vam nudimo postižete niz prednosti., neke od njih su:

- ✓ brži unos
- ✓ zaštita
- ✓ informacije o skladištu lako dostupne
- ✓ kategorizacija artikala
- ✓ svi dokumenti na jednom mjestu

Sljedeće prednosti postaju vidljive nakon određenog perioda korištenja informacionog sistema:

- ✓ bolja organizacija skladišta
- ✓ u svakom momentu dostupan svaki dokument
- ✓ povećana sigurnost u skladištu